

I. N. 7.

EXANTHEMATA VI V A,

QUE,
CONSENS. EXPERIENT. FACULT. MEDICÆ
IN REGIA ACAD. UPSALIENSI,

(86)

BS

PRÆSIDE

VIRO NOBILISSIMO AC CELEBERRIMO,

DN. Doct. CAROLO
LINNÆO,

EQUITE DE STELLA POLARI,

S:Æ R:Æ M:TIS ARCHIATRO,

MED. ET BOT. PROFESSORE REG. ET ORD.
ACAD. UPS. HOLMIENS. PETROPOL. BEROL. IMPERIAL.
LONDIN. MONSPEL. TOLOS. FLORENT. SOCIO,

PUBLICO EXAMINI SISTIT

STIPENDIARIUS REGIUS

JOHANNES C. NYANDER,

CALMARIENSIS.

IN AUDITORIO CAROLINO MAJ. D. XXIII. JUNII
ANNI MDCCCLVII.

H. A. M. C.



UPSALIÆ, Excid. L. M. HÓJER, Reg. Acad. Typogr.

4848
c. 2

VIRIS AMPLISSIMIS,
D:NO PETRO O. HOLMSTEDT,
Rei Nitrariæ DIRECTORI ad Prov. Calmariensem, Oe-
landiam & Gctlandiam Vigilantissimo.

D.Doc. JOHANNI G. WAHLBOM,
ASSESSORI & MEDICO per Provinc. Calmar. Experientis-
simo, Nec Non Reg. Acad. Scient. Holm. Memb. Dignissimo,
D:NO PETRO CHRIST. BAUMAN,
ADSESS., plurimumque Rer. Metall. POSSESS. Dignissimo.
Viro admodum Reverendo & Praeclarissimo,

D:no Mag. ANDREÆ BRAUNER,
Ecclesiæ Runiten. & adjacent. Parœciarum PASTORI &
PRÆPOSITO, Fidelissimo, Meritissimo.

FAUTORIBUS PROPENSISSIMIS.

Justum. Vinculum. Beneficii. Et. Grati. Animi.
Non. Soluturus.
Amplissima. Nomina. Vestra. Huic. dissertatiuncula. Præpolui.
Vestro. Licet. Favori.
Jejunitas. Ipsius. Minime. Respondeat.
Adspiciatis.
Faventi. Oculo. Rudia. Hæc. Elementa;
Et. Quidquid. Prodant. Manci.
Concedatis.
Velit. Summus. Rerum. Humanarum. Rector;
Perenni. Vos. Ornare. Flore.
Velit. Vitam. Vobis. Largiri. Diuturnam.
Annos. Felicissimos.

AMPLISSIMORUM NOMIN. VESTRÆ

Cultor humillimus.
JOHANNES C. NYANDER,

Bruks - PATRONERNE
Ådle och Högagtade HERRAR
Herr BALT.G.HOPPENSTEDT,
Och
Herr CASPAR HOPPENSTEDT,
Samt
HANDELSMANNEN, Ådle och Högagtad,
Herr CHRIST. von SELTZEN,
GUNSTIGE GYNNARE.

W ördnad. Och. Erkänsla.

Mot. Oförtjent. Ynneft.

Upfylla. Mitt. Sinne. Med. Omhugsan. Och. Ifver.

Att.

Almånt. Tyda. Edra. Gynsamhets. Prof.
En. Samling.

Af. Min. Skörd. På. De. Lärde. Fålten.
Törde. Få. Råknas.

För. Ett. Litet. Wedermåle. Af. Tacksam. Böjelse.
Rena. Suckar. För. Mine. Gynnares. Wäl.
Skola. Aldrig. Afstadna.

Utan. Såsom. Beständigt. Offer. Underhållas.
Af. Ett. Brinnande. Hjerta.

En. Allrådande. Hand.
Skydde. Edra. Värf. Och. Syflor.

Och.

Tekne. Edra. Nögda. Dagar. Utan. Skiften.
Nögder. Död.

Blisve. Eder. Sidsta. Handel.
Och. Ewig. Sällhet.

Eder. Säkra. Vinst.

MINA GUNSTIGA GYNNARES

: ödmjukaste tjenare,
JOHAN. C. NYANDER.



Q. B. V.



N morbis vix ulli, qua originem, magis Medicis abstrusi fuere, quam contagiosi: quod corpus, eatenus sanissimum, regulas Diæteticæ ex aße observans, &que ijsdem, ac voluptatibus disfluens, contaminetur, si ægro proprius solummodo accedat. Augetur miratio, qvum alios contagiosos morbos indigenos, uti Scabiem, Rabiem, Tu-

sim ferinam & Dysenterias, singulis fere annis, apud nos, sponte quali, oriri videmus, alias vero nunquam absque conversatione cum ægris, cuius primi natales exotici a- liunde, quam ex patria, arcessendi sunt: Pestem, loquor, Morbillos, Variolas, Siphilitidemque.

Paucas Doctissimorum Medicorum, de horum origine, conjecturas leviter tantum nominasse juvabit: alii alias foverunt opiniones: cauflam horum deducit a PUTREDINE *Fracastorius*, *Rhodius*, *Mindererus*: a sulphurea multi-

multiplicativa PUTREDINE *Hoffmannus*: a miasmate FERMENTESCENTE *Junkerus*: a CORROSIVO quodam *Alpinus*: a SALE VOLATILI acri *Sylvius*: ab ARSENICALI VIRO *Sorbait*: ab IMAGINATIONE & terrore *Rivinus*: alii ab EXHALATIONIBUS virulentis terræ: alii a cœlo & conjunctione PLANETARUM: alii a CADAVERUM copia, aërem inficiente: a VERMENOSA putredine *Kircherus*, cet. Ex allatis, quas passim afferunt auctores, caussis, ea nobis vero videtur proxima, qua statuitur, contagium ex vivis animalculis provenire, ut *Rivinus*, ceteri. Hanc itaque viam incedere tentantes, non longius, quam experientiæ nostræ ductus permiserit, exspatiabimur; at, quod credibile est, nullius vero oculis hactenus usurpatum, id nos ut probabilem conjecturam paucissimis adducemus, quam nostram non facimus, sed summis tantum labris gustabimus.

Morbi CONTAGIOSI in eo, plerumque, omnes inter se conveniunt, quod 1.) efflorescant EXANTHEMATIBUS five internis, five externis, ita quidem, ut ipsa Rabies pustulis quibusdam sub lingua canum se prodiderit; in omnibus enim contagiosis morbis subesse solet materia exanthematum, quæ efflorescens mitigat febrem, (Hoffm. syst. IV. 122; 2.) quod inquietudinem corporis FEBRESQUE excitant, vel minimum, certa diei hora, vel versus noctem ingravescunt; 3.) quod a DULCIBUS vis morbi augetur, ab AMARIS vero pellitur, & a PINGVIBUS proritatur; 4.) quod FRIGORE aliquantum repellitur: & sicuti omne vivum a tepido retocillatur, nimis vero calido propellitur; sic a calore Scabies & exantheme intenditur, & aucto calore ac febre, ad tepidam corporis superficiem usque pellitur; 5.) quod ANTHELMINTICIS delentur, ideoque Sulphurata scabiem tollunt, & Mercurialia, omnia fere infecta occidentia, Scabiem Siphilitidemque curant, a Peste & Variolis præferuant: Tabacum minima occidit infecta,

fecta, ejusdemque fumigatio contagium antevertit; 6.) ANALOGIA & pruritus pustularum in contagiosis idem innuit; 7.) quod in Scabie & Dysenteria manifesta fuerint oculis: vidi illa in MORBILLIS *Langius*, in PESTE *Kirkerus*, in SIPHILITIDE (*Limacum similia*) *Hauptmannus*, in PETECHIAS *Siglerus*, in VARIOLIS *Lusitanus* & *Porcellus*; vermiculos in SERPIGINIBUS aliisque morbis cutaneis hic etiam vidi.

Infecta ejusmodi minutissima, forte ACHAROS, diversæ speciei cauſas esse diversorum morborum contagiorum, ab analogia, & experientia, hactenus acquisita, faciliter credimus negotio, neque repugnat horum structura & magnitudo; minima enim sunt animalcula, quæ oculus humanus adhuc percipere potuit. *Lynceus Leuwenhækius* millia insectorum, quæ, simul sumta, vix centesimam arenulæ partem æquabant, in tis humoribus, quos oculus nudus puros omnino vidit, observavit. Acutissimus *Reaumurius* illud, quod in aëre, æstate, densius conspicitur, & claro quasi vapore micat, non aliud, quem infecta, oculos fugientia, esse credidit. Illa non separatione modo, sed in societate quoque, Apum & Formicarum more degere, singula tamen inter se justum seruare ordinem, idem ostendit. Ex sensibus igitur, undis interdum fallacioribus, ad rei impossibilitatem non est argumentandum; æque enim in minimis, ac maximis, Sapientissimi Conditoris artificium elucet. Acharum vivum dum intuemur, muscularis eum, nervis, venis, arteriis visceribusque esse praeditum, nobis persuadebimus: haec, ut admodum exigua, adeo tamen subtile continere liquores, ut per ejus *vasa* permeare possint, creditu fas est. Unde haec animalcula provenerint miramur, mirari vero non convenit, dum simul cogitamus ea, tam proportione parva, ut fere nulla, in aëre, atomorum instar, volitare, minimasque penetrare rimas, haud aliter ac Mucor e seminibus, ubique exstiterit putridum, nascitur.

SCABIES.

SCABIES omnium est communissima, sensibusque maxime pervia. Hanc ex Acharo, Fn. su. 1194, excitari, quem, ad latera pustularum, sub macula quadam, oculis nudis vix conspicienda, latentem acuque erutum, ungvi imponere possumus, cuique liquet. Jam vero, si halitu calidiori illum refocillamus, cutique imponimus, structura sua maxime distingvendus repet rugasque diu scrutabitur, donec rodendo, ut Talpa, cutem subierit, ubi cuniculos construit. Acharus, Fn. su. 1195, magis licet coloratus, huic quam simillimus est. Caseum vel farinam, diu de loco non motam, multa horum millia alere, non raro observamus; hinc evenit, ut, quum nutrices loco Pollinis Lycopodii, Florum Zinci, cet. infantes excoriatos *farina* conspergant, ingvina & axillæ, eadem adspersæ, in Scabiem efflorescant; quod malum, saepius curatum, idemtidem rediit, quoties farinæ adspersio iterata fuerit, aliasque infectit infantes. Hinc Farinæ & Scabiei Acharos unam constituere eandemque speciem concludimus. D. Zweib, hos Acharos ova deposuisse, se citissime multiplicasse, pluresque dies extra corpus vixisse, probe observavit. Ideoque Scabiem vestibus, conversatione & tactu quotidie propagari comperimus. Infecta caloris ut cupida, frigoris vero impatientia, ita calore vehementius incandescit, & frigore scabies reprimitur. Scabie infectos, si Sulphuratis inungantur, aut dolore interno, aut febre correptos fuisse, adeo ut eadem caussa, quæ externe Scabiem, interne quoque Febrim excitaverit, quæ ante resurgentiam non cessavit, compertum habemus. Quam igitur, hujus phænomeni ratione, de *Febrium exacerbantium caussis*, quæ de se scabiem gignunt vehementem, & perlepe contagiosam, fovere licet opinionem? Si similis enim effectus, similem habere solet caussam, & natura, sibi semper similis, non facile saltus facit; per adeo autem spissas longius progredi tenebras haud sustinemus.

In

In *Scabie ferina* Achari ægrius inveniuntur; exemptos vero, aliam esse speciem, & pedibus quatuor posticis, corpore duplo longioribus, distinctos, oculis armatis evidenter comprehendimus: & sic non est, quod de cauſa hujus quisquam dubitet. Ambroſiacis, ut Mosco, Zibetho, Holco odorato, Camphora, Oleo cort. Betulæ vestes & infectorum Musea ab Acharis seruamus, quæ interne quoque in expellendis retropulſis hiſce exanthematibus feliciter propinuantur.

De *Scabie senili* eadem valet argumentatio & experientia ejus quoque Acharos comprobavit. Qvum corpus semel inundaverit, sponte cessans haud facile reddit.

Aliquot ante annos hædos duos Scable, maxime ore, infectos vidimus: unus eorum moritur, alter vero, cui Mochus porrigebat, intra trium dierum spatium sanus evasit.

DYSENTERIA.

DYSENTERIA epidemica Scabies est intestinorum interna, ut ex dissectionibus cadaverum, Dysenteria defunctorum, patet: Hanc per secessus & cloacas communes propagari, ne ullus quidem Medicinæ peritus ambigit. Medicum Danum, priori seculo Helsingburgi, Dysenteria saepius corruptum, excreta sua alvina observasse vivis referta, vix observabili motu se agitantibus, infectis, Bartholinus narrat. Quo loco non nobis est prætereunda observatio, rem maxime illustrans. Quatuor abhinc annis Dom. Rolander in ædibus N. D. Præfidis enutritus, Dysenteria infestabatur; Rhabarbarinis, Paregoricis, more recepto curabatur. Obitudo abhinc in eundem incidit morbum, similiterque sanatur; octo vero aliis diebus præteritis Dysenteria tertium, corripitur: in cauſam omni studio inquiritur, non vero inventur; qvum æger eadem mensa, viteque genere cum coabitantibus sanis frueretur. Itaque N. D. Præses ægro, Entomologiæ præcipue studio, excreta suadet scrutari quo certius adpareret, utrum allata Bartholini obser-

servatio obtineret, nec ne. Hoc facto, in hisce myriades animalculorum se vidisse, quæque accurate descripta, esse Acharos, & Acharis quidem farinæ similes, æger dixit; cauſam vero non nemo in potum nocturnum conjiciebat: sed neque hæc aliis videbatur sufficiens. Inter edendum bibere insuetus erat: noctu igitur siti pressus e poculo, ex ligno juniperino confecto, potum sæpe hauriebat tenuissimum; vas hocce introspiciens, lineolam quasi albicantem, oculis nudis vix conspicuam, inter costarum rimas repe-riebat; armatis vero observavit, omne hoc albidum non aliud esse, quam innumeros Acharos, & ejusdem quidem speciei cum illis, quos in excretis observaverat; potu in vas infuso, non mutabantur, eos vero relictis sedibus, media nocte, potus superficiem petere, ubi ad horam usque decimam a. m. pastum quærebant, dum priora loca repe-terebant, crebra tandem investigatione invenit. Exemptis Acharis orbiculo humectato impositis, quam parum, varilis adfusis liquoribus, irritabantur, & quod per oleum ipsum salui transirent, animadvertisit; a spiritu vini lædebantur, ma-xime vero a TR. Rhabarbari, quod in primis notatu dignum; quum autem Rhabarbarum Dysenteriae sit specificum, La-pathumque acutum ei valde cognatum, & quotidiana sca-biei Medicina, affinitatem invenimus & analogiam. Vas, ter licet aqua calida abluto, adhærebant; illos in aliis etiam locis quærebant, inque vasis potus acidi & sub doliorum obturamentis saepius reperiebat.

Dysenteria, quæ Scaniæ territorium *Gyinge* quotan-nis fere, tempore messis, vexat, æque ac ea, quæ in castris est vulgaris, ex iisdem Acharis, in potu acido latentibus, qui inde per secessus propagantur, & contagium generant, originem suam fortassis traxerit. In Vet. igitur Test. ut quisque militum alvina sua excreta confestim humo obrue-ret præceptum erat. Scanis igitur & militibus castrisibus nonne prodesset testaceis vel metallinis vasis uti potoriis,

quibus infecta hæc difficilius adhærescunt? Nefas esse ventriculo jejuno potionem ingerere nocturno aëre elangescensem, ni prius supremus in potu liquor effundatur, vulgus dicere s̄evit, caussam ignorans; supra vero dicta observatio hos Acharos tunc in motu esse tradit, & hinc hujus consuetudinis origo nata est. Haustu potus vappidi tormina ventris excitantur, quæ, s̄epe, haustu spiritus Vini reprimuntur, qui vi Acharos lædendi ad Rhabarbarum proxime accedit.

TUSSIS Ferina.

TUSSIS ferina morbus est majoribus nostris minus cognitus, quo infantes maxime afficiuntur. Hujus igitur, epidemia eatenus, (a) miasma tale sit, oportet, ut ex ægro facile evaporare, propagari & multiplicari possit; hæc vero prædicata non nisi viventi cuidam tribuenda censemus. Domestica Medicina, quam contra hoc malum Vestrogothi ex Infuso H:bae Ledi (b) adhibent, quod Narcotica, virulenta & infectis adioſa est vi, animalcula heic quoque quasi cauſas adesse innuit. Huic rei tñeneratur egregia observatio D. D. Ass. Wahlbom, qui infanti, hoc malo correpto, Calmariæ, Julap. Mosch. Lond. porrexit, quo post blduum, levi quadam Scabie totum ægri corpus effloruit, & Tussis ferina cessavit; aliquo interjecto tempore, eodem malo redeunte, & scabie interiora petente, idem adhibuit remedium, quo eundem, quem antea, de novo obtinuit effectum, & infans omnino sanus evasit. Non-

ne

(a) Sanos pueros domum introisse ægrumque unice convenisse, & Tussi ferina brevi postmodum affectos fuisse, observationes existant. Medicos ægrum ex ægro visitando, miasma hujus secum duxisse, aliosque eodem infecisse, in ore Medicorum est omnium.

(b) Eadem planta Sues & pecudes, pediculis infectæ, sanantur.

ne igitur Tussis ferina , ex Acharorum quadam specie, in organis pulmoni dicatis, alimentum potissimum petente, derivari possit ? ejusmodi qvum remediis tollatur vel leniatur. Quare hæc ipsa , uti Variolæ & Morbilli , vitam nostram semel infestet, nec redeat, æque nescimus, ac cur Scabies senilis sèpius non recurrat.

VARIOLÆ.

Est VARIOLIS magna cum prioribus cognatio. Ex caufa in Europa vel America nequaquam quærenda nascuntur; numquam enim sine contagio ad nos transferuntur. Vero est simillimum, eas, eodem modo, excitari, præcipue qvum pueri, nimio dulci enutriti, & mitioribus prædicti humoribus, magis hoc malo , haud aliter , ac Scabie, infestentur. Aliquot abhinc annis dum Variolæ, Upsaliæ , funestissimæ , omnes fere in vicinio abripiebant pueros, N. D. Præses liberorum suorum collis Moschum, ut mos diu fuit Norrlandiæ, appendit : quo id impetravit, ut pestifero hoc malo intacti permanserint. Variolis nuper infectorum femora fomento, e lacte faccharato, fore, more receptum est, quo infecta illinc allici quasi videntur; femora enim, pustulis, utpote assata evadunt, reliqua vero corporis pars minori Variolarum multitudine afficitur. In pueris ad Variolas præparandis Mercurialia & Sulphurata adhibentur, & oculis, ne laedantur, applicatur Crocus, quo nautæ indusia, ne supra modum pediculis torqueantur, colorant. Chinenses, Variolas inferentes, puri, naribus admoto, Moschum addunt, ut eo Acharos, e sanie, in frontis sinum expellant. Vulnus quoddam Variolis laborantis, non prius, quam malum hocce corpus reliquerit, consolidari, & exanthemata quam maxime ibidem accumulari, a vivo quodam, quod, urgente injuria interna, hunc velut exitum quærit & confugium, provenire quoque videtur.

MORBILLI.

MORBILLI, qua indolem & originem exteram, Variolis valde sunt affines. *Aquilegiæ* semina venenata & *Staphisagriæ* seminibus vicina, contra Scabiem pueroru[m] communiter adhibentur: & aniculæ, nesciæ, liberos, iusto majorem dosin hujus illis porrigendo, saepe interficiunt. Est apud nos usitatissimum, Morbillis vel Variolis laborantibus semina Aquilegiæ pulverisata vel Moschum porrigerere, ut ad superficiem corporis expellantur exanthemata, ne viscera interna iisdem nimium contaminentur. In Tussi Morbillis laborantium pertinaci pectorisque oppressione, dum nihil fere juvat, *Flor. Sulpuris* parva & repetita dosi, una cum antifebrilibus, porrecti, specificum audit. Verbo, omnia remedia, Variolas & Morbillos adrepentes vel antevertentia vel curantia virtute pollent insecta occidendi vel eorum halitum saltem non ferendo, ad exteriora corporis pelluntur, & in fugam coguntur.

PESTIS.

PESTEM absque contagio e terris exteris, in urbibus potissimum maritimis, apud nos nunquam oriri: hanc ipsam multiplicari & propagari: hanc in locis calidoribus, putridis & humilibus pessime grassari: hanc corruptorum aëris statuum ope ingravescere, versus hiemem comprimi, vere autem & æstate adventante erumpere: hanc perpurgatas domos, teste D. Timoli, non ingredi: hujus adventum alios, plerumque, morbos contagiosos prænunciare: hanc eadem semper servare exanthemata: hujus miasma sæque per salivam deglutiri, ac per cutis poros irreperi: hanc ipsam, ex acido, in aëre, elangvescere, acidisque, secundum experimenta D. Sylvii, præveniri: hanc denique, Moscoviae regnum haud ita pridem aggressam, Mercurialibus, notissimis contra Scabiem Acharinam remediis, feliciter, teste Schreibero, esse curatam: Moschum,

schum, præterea, Camphoram, Cort. Chinæ, Pestis curæ, ut idem refert, infervire, observationes sunt verissimæ, quæ Infecta, illius utpote caussam, indicare videntur.

Morbos Siphiliticos, præsertim quum absque fluidorum contactu, per oscula, pocula, copulam & sudores nunquam nascantur, intima cum Peste conjunctos analogia, ab animalculis quoque ortum ducere putamus.

De Petechiæ, Purpuræque origine nec non Uredinis, opinionem fovemus eandem, hoc vero, observationum defectu, missum faciamus, neceesse est.

Hinc constare videtur Febres ejusmodi ex Acharis excitari, utquæ medicamentis appropriatis pelluntur.

Quamobrem Scabies & Dysenteria apud nos, absque contagio, saepe oriatur, ex allatis cognoscitur; illius enim caussam in farinæ, hujusque in potioris reperimus vasis. Contra, infecta Pestem, Variolas, &c. producentia, non apud nos, nisi, vel in corpore infecto, vel alio sibi apto domicilio incarcerata existere posse, veri est simile. Hujus forte rei caussa in cœlo nostro duriore Acharorumve molliori natura est querenda; si enim ex crassioribus ad subtiliora spectare fas fuerit, alia infecta apud nos indigena esse, alia æstate, alia denique non nisi in ædibus nostris, ubi foci calor eadem alit, degere observamus: hæc posteriora e terris ad Meridiem magis vergentibus, profecta censemus; horum vero omnium non eadem fuit mollesies; infecta enim, quæ de calidissima India huc commigraverint, & in hanc coopta sint civitatem, deprehendimus. Idem hisce quoque animalibus accidit, quorum major frequentia certis quibusdam in locis antea reperta sit, Inde vero longe lateque se diffuderint & tristem suum effectum exseruerint. Alia horum apud nos domestica evasisse, explicare forsitan potest, cur quidam antea incogniti morbi certis locis orti fuerint & vulgati. Hinc in illum etiam deducemur tramitem, ubi rationem cernere licebit,

cur morbi certi, certis anni temporibus vigeant; præfer-
quam enim, quod plurimi morbi contagiosi, æstate, cun-
ctorum insectorum optimo trimestri, dominantur: nodus
maxime intricatus, &, ex horum animalculorum artifi-
ciosa œconomia exortus, quam, per mirandam exanthe-
matum analogiam, cognoscimus, dissolvi fortassis possit;
quo enim modo mortuum corpus semper sui similibus
exanthematis efflorescere, pro diversitate circumstan-
tiarum interiora & exteriora corporis adeo determinate
petere posset? Quid similius, quam ut animalia organisata
hæc efficiant? Quid huic actui aptius, quam subtilissima
insecta; quorum præcipua vivendi ratio maximos Naturæ
Mystas in sui rapuit admirationem? Quid impedit, quo
minus exigua hæc insecta in corpore nostro sedes habe-
rent, qvum nec a majoribus immunes dici possimus: Vario-
rum enim generum, sub metamorphosi, integra insecta & si-
mul adulta, in uno eodemque hominis ventriculo, deprehen-
dimus: vid. N.D. Archiatri & Equitis Rosen in act. Holmens.
1751. Quid, quod ipsæ Muscæ carnariæ, aliaque iisdem compa-
ria, ova sua, in ventriculum excludenda nostrum, immittunt:
Mediocres Ascarides, magni Lumbrici longæque Tæniæ,
non adeo exigua mole, in nos intrant: ut raseamus Pu-
licem subcutaneum, Venam medinensem & Furiam infer-
nalem, quæ, per corporis superficiem in idem penetranti
occasione quoque captant.

Animalia hæc duobus præcipue modis in corpus sese
insinuare adparet, qvum morbos, in interioribus corpo-
ris partibus enatos, consideremus, v. g. quando conta-
gium collum & stomachum primum infecerit, per inspira-
tionem, procul dubio, descenderunt: morbos vero, in cor-
poris superficie primum adparentes, perpendendo, ea per
cutis inæqualitatem & poros se intrusisse, constare videtur.
Æque hisce animalculis, ac aliis eorum generum, cer-
tum, quo edant ament, multiplicentur, dormiant & quies-
cant,

cant, tempus tribuere fas est; Unde horum morborum paroxysmi periodici explicari possunt; adde, quod **A**scari-des rodendo cibum capientes, certa hora diei in recto pru-ritum excitent.

Ex legibus naturæ constat, quo minus animal fuerit, eo uberiorem gignere prolem, & qvum unica Apis, ali-quot intra hebdomades, ad 20000 multiplicari possit, hæc quoque, multo iis minora, infecta, proportione copio-fissime augeri sequitur: & hinc credamus, unicum tan-tum vel alterum horum infectorum adeo uberem, brevi, gignere prolem, ut efflorescat & totum inundet corpus. Qua de re quoque ab inoculatione edocemur, majorem scilicet vel minorem puris copiam ad Variolarum nume-rum parum valere.

Pestem, Variolas, &c. horrende dominantes, diu la-tuisse & tandem, per res pelliceas, linteas & laneas infe-ctas, se dispersisse, Auctores referunt; nec mirum: quid enim impedit, quo minus infectorum horum ova, omnino recentia, plures annos conservari, & postea, modo con-tagioso, agere posse, qvum corpori nostro accedendi occa-sio illis datur, si mediocri tantum caloris frigorisve gradu & apto domicilio gaudeant, credamus? Bombycis enim o-va, tali modo, tres integros annos conservari posse, no-tum est.

Integro illorum, in corpore, opere confecto, mole-stisque laboribus exantlatis, tota emoriantur, dissipenturve ex eodem, oportet; in memoriam vero revocantes conta-gium, ad morbi finem, intensissimum evadere, & infecta hæc desiderium melioris quasi domicilii, pruritu & petitio-ne corporis peripheriæ, significare, hoc potius credimus; postquam enim, ante obitum, in sedibus suis, prope su-perficiem, nuper ova posuerunt, proles hæc illorum noxia, vel prout sub metamorphosi, vel ut integra infecta, consti-tuta, per transpirationem forsitan haud difficile emanare

poteſt. Quare vero non ſæpius idem repetant corpus, eandemque violentam non exerceant œconomiam, eft inter phænomena miranda, quæ oculis nostris, non vero rationi, patent. Ut nutrices Variolis antea vexatæ, infantes jam Variolis laborantes tractent & mammis suis admoveant, ubi una vel altera macula, in iisdem efflorescens, contagium prodit, uſu quidem ſæpe evenit: hoc vero, omni prorsus vi deſtitutum, ne febrim quidem excitare valet. Difficultas licet in tam ancipitibus morbis, accuratiores instituendi obſervationes, æque ac affumta Medicorum hypothefiſis, de generalibus omnium morborum cauſis, quas alii in mafia fangvinea depravata, alii in malo, in aere prædominante, ſeſe reperiffe autumarunt, quod ex una in alteram regionem, quo vento advolaverit, nescimus, obſtiterit, quo minus hæ viventes omnium morborum exanthematicorum cauſæ, non dum ſint detectæ: accuratiores tamen posteros hæc animalcula multo reprehensuros artificioſiora, quam nos vel existimavimus, vel extricare auſi fuimus, paulisper affirmare audemus; firmiſſima enim ſtat ſententia: *natura nullibi magis perfecta, artificioſa magis, quam in minimis.*

Has qualescumque delineationes ulteriori diſquifitioni B.L. ſubjicere velit, ut viæ hactenus a paucis tritæ de-tegantur, noviſſime rogamus.

Venerabunda ſane mente Numinis Perfectiſſimi opera ſunt agnoscenda, quod minimis, &, ut nobis adparent, abjectiſſimis maximas efficere valet mutationes, quare Ipsi ſoli ſit

LAUS & GLORIA.

